

大學衍義

一
卷
一
冊

大學衍義卷之八

格物致知之一

明道術

天理人倫之正三

長幼之序

孟子萬章曰父母使舜完廩捐階

完治也捐階謂去其梯

瞽瞍

焚廩使浚井出從而擯之

也

象曰謨蓋都君咸我

績

史記曰使舜上塗廩瞽瞍從下縱火焚廩舜乃以兩笠自捍而下去得不死後又使舜穿井舜穿井

爲匿空旁出舜旣入深瞽瞍與象下土實井舜從匿空出去謨謀也蓋蓋井也舜所居三年成都故謂之

都君咸皆也績功也象不知舜已出故欲以殺舜爲己功也

牛羊父母倉廩父母

以此歸之父母也

干戈朕

朕我也古者君臣通稱

琴朕弭朕

弭雕弓也二嫂

使治朕棲

二嫂堯二女也棲牀也

象往入舜宮舜在牀琴象曰

鬱陶思君爾忸怩

鬱陶猶菀結也忸怩慙色也

舜曰惟茲臣庶汝

其于予治

臣庶謂其百官也舜喜其來見故云

不識舜不知象之將殺

己與曰奚而不知也象憂亦憂象喜亦喜

此孟子言

曰然

則舜僞喜者與

此萬章言

曰否彼以愛兄之道來故誠信

而喜之奚僞焉

此孟子言

臣按象欲殺舜之迹明甚舜豈不知之然見其

憂則憂見其喜則喜略無一毫芥蒂於其中後

世骨肉之間小有疑隙則猜防萬端唯恐發之

不蚤除之不亟至此然後知聖人之心與天同

量也世儒以帝堯在上二女嬪虞象無殺舜之
理故以孟子爲疑不知孟子特論大舜之心使
其有是處之不過如此豈必真有是哉

萬章問曰象日以殺舜爲事立爲天子則放之何也

孟子曰封之也或曰放焉

放猶置也猶
今言安置

萬章曰舜流

共工于幽州放驩兜于崇山殺三苗于三危殛鯀于

羽山四罪而天下咸服誅不仁也象至不仁封之有

庫

國名

有庫之人奚罪焉仁人固如是乎在他人則誅

之在弟則封之曰

以下孟
子言

仁人之於弟也不藏怒焉

藏匿

不宿怨焉

宿蓄
其怨

親愛之而已矣親之欲其貴也

大

學

卷

之

八

天理人倫之正三

二

經

正

堂

藏

書

愛之欲其富也封之有庫富貴之也身爲天子弟爲
匹夫可謂親愛之乎敢問或曰放者何謂也

此萬章言

曰

象不得有爲於其國天子使吏治其國而納其貢稅
焉故謂之放豈得暴彼民哉雖然欲常常而見之故
源源而來不及貢以政接于有庫此之謂也

此孟子言

臣按聖人不以公義廢私恩故不以象之惡而
不與之以富貴亦不以私恩廢公義故使之不
得有爲於其國以暴其民舜之於象仁之至義
之盡也

詩皇矣之三章

大雅篇名

維此王季因心則友則友其兄

兄謂泰伯以國讓王季者也

則篤其慶

篤厚也

載錫之光

錫予也

受祿

無喪

喪亡也

奄有四方

奄大也

泰伯見王季之生文王

知天命之必在王季故去而適

吳太王沒而不返而後國傳於王季周道大興

臣按王季之友太伯也蓋其因心之本然非以

其讓己而後友之也昆弟至情出於天性豈有

所爲而爲之乎使太伯未嘗有讓國之事王季

之所以友之者亦若是而已夫王季之友不過

盡其事兄之道耳豈有心於求福哉閨門之內

敬順休洽固產祥積祉之基也故厚其慶而錫

之光受天之祿而有天下天之報施其亦明矣

後世如漢顯宗以東海王彊遜己而友之唐明
皇以宋王成器遜己而友之其友雖同而所以
友之則異蓋王季之心無所爲而然者也顯宗
明皇之心有所爲而然者也此天理人欲之分
而漢唐之治所以不若周之盛與

常棣燕兄弟也

小雅篇名

閔管蔡之失道故作常棣焉

管叔

蔡叔皆文王子管叔周公兄也蔡叔周公弟也武王
封武庚爲殷後使管叔蔡叔監之武王崩管蔡挾武
庚以叛周公其一章曰常棣之華鄂不韡韡

常棣棣也今郁

李花鄂相承甚力故以喻兄弟韡韡光明貌

凡今之人莫如兄弟第二章曰

死喪之威兄弟孔懷三章曰脊令在原兄弟急難

脊令

雖渠也飛則鳴行則搖首尾相應喻兄弟相救於急難其相應如是也

四章曰兄弟鬩

于牆外禦其務

鬩很也禦禁務侮也兄弟雖內鬩而外禦

臣按周公使二叔監殷二叔以殷畔公既奉行天討矣使他人處此必且疾視同姓惟恐疏棄之不亟而公作此詩以燕兄弟方綢繆反復謂如常棣華鄂之相依脊令首尾之相應雖忿鬩於門牆之內至有外侮則同力以禦之愴然閔惻之至情溫然篤敘之深恩溢于言外其後有周世賴宗強之助王室之勢安於磐石雖歷變故而根本不搖襄王怒鄭欲以狄師伐之其臣

富辰諫曰兄弟雖有小忿不廢懿親今天子不
忍小忿以棄鄭親其若之何襄王不從果召狄
難嗚呼後世王者欲知兄弟相須之切其於是
詩可不深味之乎

行葦忠厚也

大雅篇名

其一章曰敦

音團

彼行葦

敦聚貌行道也葦蘆

類

牛羊勿踐履方苞方體

苞籜也體成形也

維葉泥泥

葉初生柔

澤貌

戚戚兄弟

戚戚內相親也

莫遠具爾

莫無也具俱也

臣按先儒呂祖謙曰彼行葦之方苞方體其葉

泥泥然其可使牛羊踐履之乎戚戚兄弟其可

疏遠而不親近乎忠厚之意藹然見於言語之

外毛氏以戚戚爲內相親唯體之深者爲能識
之臣謂祖謙之說善矣使人主能深體此章之
指則雖一草一木且不敢輕於摧折也況骨肉
之戚而縱尋斧乎此詩二章以下皆言燕樂兄
弟之事然必有此心爲之本然後燕樂不爲虛
文不然非所知也

角弓父兄刺幽王也

小雅篇名

不親九族而好讒佞骨肉

相怨故作是詩也

骨肉謂族親也

以其父祖上世驛

驛角弓

驛驛調和也

翻其反矣

翻反貌

兄弟婚姻無胥遠矣

遠疏也

爾之遠矣民胥然矣爾之教矣民胥倣矣

胥皆倣也

倣也此令兄弟綽綽有裕令善也綽寬也裕饒也不令兄弟交相
爲瘡不令不善瘡病也民之無良相怨一方受罰不讓至於

已斯亡

臣按先儒之論以爲弓之爲物其體往來張之
則內嚮而來弛之則外反而去骨肉之親親之
則附疏之則離亦如角弓翩然而反也然則兄
弟婚媾其可使相疏遠乎夫人君風化之本爾
遠其親則民亦皆然矣爾之教如此則民亦皆
倣之矣爾指幽王而言也人之性固有篤於善
而不爲風化所移者然不移者寡而移之者多

故必令善兄弟而後能寬裕而不變若不善之
兄弟本自薄惡上又教之則交相爲病當愈甚
矣於是民之失其良心者雖細微之故亦相怨
憾一方猶一事也專利欲得其受爵者無復推
遜之意至爭奪以取亡皆由上之化故也後世
人主誠懲角弓之刺則於兄弟之親可不厚其
恩意乎

葛藟

詩王風篇名

王族刺平王也

平王周東遷之君

周室道衰棄

其九族焉其一章曰縣縣葛藟在河之汭

縣縣延長貌葛藟二

物生山谷閒今在河汭非其性也

終遠兄弟謂他人父謂他人父亦

莫我顧二章曰終遠兄弟謂他人母三章曰終遠兄

弟謂他人昆

昆兄也

杖杜

詩晉風篇名

刺時也

刺晉昭公

君不能親其宗族骨肉離

散獨居而無兄弟將爲沃所并爾

沃曲沃也

有杖之杜

特杖

生貌杜赤棠也

其葉湑湑

湑膏上聲湑湑潤澤也

獨行踽踽

踽巨上聲踽踽無所親也

豈無他人不如我同父嗟行之人胡不比焉

比親人也

無兄弟胡不佻焉

佻音次助也

二章曰豈無他人不如我

同姓

其後昭公果爲晉人所弑而曲沃武公據晉而爲諸侯

臣按角弓葛藟杖杜三詩正常棣行葦之反也

周幽王不親九族民亦尤而效之所謂上有好

者下必有甚焉者也故詩人刺之曰爾若是則
民將爭奪而致亂亡矣平王疏遠其兄弟而以
他人爲父兄所謂不愛其親而愛他人者也故
詩人曉之曰爾疏其所親親其所疏人亦將莫
我顧矣晉昭公獨居而無兄弟所謂寡助之至
親戚畔之也故詩人諷之曰人無兄弟何不與
行道之人相親附乎何不求他人相攸助乎以
此三詩與常棣行葦參玩則成周之所以興幽
平之所以壞晉昭之所以滅亡皆灼然可見矣

春秋傳隱元年初鄭武公

鄭國名武諡也

娶於申

國名

曰武姜

武諡

姜姓生莊公及其叔段

共邑叔字段名

莊公寤生驚姜氏故

名曰寤生

寤寐中生因以為名

遂惡之愛其叔段欲立之亟請

於武公公弗許及莊公即位為之請制

姜為之請也制邑名

公

曰制巖邑也

巖險也

號叔死焉

號叔舊號君制乃號之邑號叔恃險而亡

他

邑惟命請京

京亦邑名

使居之謂之京城大叔祭仲

鄭大夫

曰都城過百雉國之害也

古者謂封子弟之邑曰都城方丈曰堵三堵曰雉一

雉之牆長三丈高一丈

先王之制大都不過參國之一

三分國一城之一

中五之一小九之一今京不度

不合法度

非制也君將不

堪公曰姜氏欲之焉辟害對曰姜氏何厭之有不如

早為之所無使滋蔓蔓難圖也蔓草猶不可除況君

之寵弟乎公曰多行不義必自斃斃殞也子姑待之既

而大叔命西鄙北鄙貳於己鄙鄭邊邑貳謂兩屬公子呂鄭大夫

曰國不堪貳君將若之何言國邑不可欲與大叔臣

請事之若弗與則請除之無生民心言叔久不除則國人生他心

公曰無庸將自及言無用除禍將自及大叔又收貳以爲己邑

前兩屬邑今皆取以爲己邑至於廩延邑名言侵地益多也子封曰可矣厚

將得眾子封公子呂字厚謂土地廣大公曰不義不暱厚將崩不義於君

不親於兄非眾所附大叔完聚完城郭聚人民繕甲兵具卒

乘步曰卒將襲鄭襲掩其不備也夫人將啟之啟開也言公

聞其期曰可矣命子封帥車二百乘以伐京古者兵車一乘

天理人倫之正三經正堂藏書

甲士三人步卒七十二人

京叛大叔段

京邑人叛之也

段入於鄆

亦邑名

公

伐諸鄆大叔出奔共

共亦邑名

書曰鄭伯克段於鄆

謂孔子書

於春秋也

段不弟故不言弟如二君故曰克稱鄭伯譏失

教也穀梁傳曰段弟也而弗謂弟公子也而弗謂公子貶之也段失子弟之道矣賤段而甚鄭伯也何甚乎鄭伯甚鄭伯之處心積慮成於殺也

臣按先儒胡安國曰用兵大事也必君臣合謀而後動則當稱國命公子呂爲主帥則當稱將出車二百乘則當稱師三者咸無稱焉而專曰鄭伯是罪之在伯也夫君親無將段將以弟篡